

ԱՐՁԱՆԱԳՐՈՒԹՅՈՒՆ

Տավուշի մարզի Դիլիջան համայնքի Գոշ բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ

25.07. 2025թ.

Գոշ բնակավայր

Հանրային լսմանը մասնակցում էին՝

- հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը,
- Դիլիջան համայնքի ավագանու անդամներ՝ Սուրեն Գրիգորյանը, Լենա Արզումանյանը,
- Գոշ բնակավայրի վարչական ղեկավար՝ Գևորգ Ամիրխանյանը,
- «Հայնախագիծ» ԲԲԸ -ի ճարտարապետ՝ Հայկազ Սողամոնյանը,
- Գոշ բնակավայրի դպրոցի տնօրենը՝ Սոնա Օհանյանը, ուսուցիչներ և բնակիչներ:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ (այսուհետ՝ Որոշում) սահմանված կարգով 2025թ. հուլիսի 25-ին ժամը 12:00-ին Դիլիջան համայնքի Գոշ բնակավայրի վարչական ղեկավարի նստավայրում տեղի ունեցավ Գոշ բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսումը:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը, ով հանդես եկավ բացման խոսքով՝ ներկայացրեց փորձաքննական գործընթացը և կատարված աշխատանքները:

Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններին կարծիքներ ստանալու համար: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնք հաշվի են առնվել լրամշակում կատարելիս և հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը նախաձեռնողի կողմից լիազոր մարմին մուտք լինելուց հետո, օրենքով և կառավարության Որոշման պահանջներին համապատասխան նշանակվել է հանրային լսում: Այս հանրային լսումն օրենքով 2-րդն է, 1-ին հանրային լսման արդյունքում համայնքի ավագանին տվել է իր նախնական համաձայնությունը:

Համաձայն կառավարության Որոշման՝ շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները պետք է ներկայացվեն ծանուցումից հետո՝ 20 աշխատանքային օրվա ընթացքում փորձաքննական կենտրոն:

Ռուզան Մակինյանը ներկայացրեց նախատեսվող գործունեության նպատակը, շրջակա միջավայրի բոլոր բաղադրիչների վրա հնարավոր ազդեցությունները և ՇՄԱԳ հաշվետվությամբ ներկայացված ազդեցությունների մեղմման վերաբերյալ նախատեսված միջոցառումները, մասնավորապես՝ մթնոլորտային օդի, հողային ռեսուրսների և այլնի վերաբերյալ:

Ռուզան Մակինյանը նշեց, որ նախատեսվող գործունեության հարակից տարածքում առկա են ծառեր և շինարարական աշխատանքները անհրաժեշտ է այնպես կազմակերպել որ չվնասվեն ծառերը:

Հայկազ Սողոմոնյանը պատասխանեց, որ հարակից տարածքի ծառերը շինարարական հրապարակից դուրս են և աշխատանքները վնաս չեն պատճառի ծառերին:

Ռուզան Մակինյանը հավելեց, որ կանարչապատման նախագիծը անհրաժեշտ է ներկայացնել համայնքապետարան՝ համաձայնեցման:

Հայկազ Սողոմոնյանը պատասխանեց, որ կանաչապատման նախագծով ընտրված են տարածաշրջանին բնորոշ ծառատեսակներ և կանաչապատման աշխատանքները սկսելուց առաջ նախագիծը կներկայացվի համաձայնեցման:

Ռուզան Մակինյանը հավելեց, որ շահագործման ընթացքում շենքի կանաչ տարածքների և նորատունկ բուսականության խնամքը հետագայում կիրականացվի դպրոցի կողմից, ինչը կներառի նաև նորատունկ կանաչ գոտու վիճակի մշտադիտարկումները, որի ընթացքում կաչողականություն չապահովող ծառատեսակները կփոխարինվեն նորերով:

Մակինյանը խոսեց կրթահամալիրի համար նախատեսվող կոյուղու կեղտաջրերի մաքրման կայանի և մաքրված ջուրը կանաչ տարածքների ոռոգման նպատակով օգտագործելու վերաբերյալ, այնուհետև նշեց, որ մաքրված ջրի ավելացած քանակը դրենաժային հոր ուղորդելու կամ բաց ջրավազան հեռացնելու նպատակով դիմել լիազոր մարմին կեղտաջրերի ջրահեռացման թույլտվություն ձեռք բերելու նպատակով:

Հայկազ Սողոմոնյանը ներկայացրեց կառուցապատման տեխնիկական ցուցանիշները, նախագիծը, ինչպես նաև շինհրապարակի կազմակերպման աշխատանքները, առկա դպրոցի քանդման աշխատանքների հաջորդականությունը:

Հայկազ Սողոմոնյանը հավելեց, որ քանդման աշխատանքները իրականացվելու են մեխանիկական եղանակով, սկզբից կապամոնտաժվի տանիքը, լուսամուտները և դռները, այնուհետև պատերը:

Մակինյանը առաջարկեց որպես սոցիալական դրական ազդեցություն, ապամոնտաժման արդյունքում օգտագործման համար պիտանի երկրորդային հումք հանդիսացող թափոնները տրամադրել բնակավայրի անապահով ընտանիքներին:

Հայկազ Սողոմոնյանը հավելեց, որ ապամոնտաժման աշխատանքներն իրականացվելու են շինարարի սեփական միջոցների հաշին և նպատակահարմար լինելու դեպքում երկրորդային հումքը կտրամադրվի բնակավայրի անապահով ընտանիքներին:

Առաջարկը ընդունվեց ներկաների կողմից:

Ռուզան Մակինյանը հավելեց, որ նախատեսվող գործունեության տարածքում և հարակից մոտակա տարածքներում բացակայում են Կարմիր գրքյան բուսատեսակները, կենդանատեսակները, ինչպես նաև պատմության, բնական հուշարձանները և մակերևութային ջրերը:

Հանրային լուծմներում այլ առաջարկներ և դիտողություններ չներկայացվեցին:

Հանրային լուծմները լուսանկարվել է «Շրջակա միջավայրի վրա ազդեցության փորձաքննական կենտրոն» ՊՈԱԿ-ի կողմից:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
առաջատար մասնագետ՝

Ռուզան Մակինյան

«Հայնախագիծ» ԲԲԸ -ի նախագծող՝

Հայկազ Սողոմոնյանը